



**PRAVILNIK
O DISCIPLINSKOJ I MATERIJALNOJ
ODGOVORNOSTI STUDENATA**

Decembar, 2024. godine

Na osnovu člana 63. Zakona o visokom obrazovanju Tuzlanskog kantona („Službene novine Tuzlanskog kantona“, broj: 21/2021 - prečišćen tekst, 22/2021 - autentično tumačenje, 5/2022, 11/2022 i 16/2022) i člana 39. Statuta visokoškolske ustanove Univerziteta FINRA Tuzla, na 13. (trinaestoj) sjednici održanoj dana 26.12.2024. godine, Senat visokoškolske ustanove Univerziteta FINRA Tuzla (u daljem tekstu: Univerzitet), donosi:

PRAVILNIK O DISCIPLINSKOJ I MATERIJALNOJ ODGOVORNOSTI STUDENATA

I OPŠTE ODREDBE

Član 1. (Predmet regulisanja)

Pravilnikom o disciplinskoj i materijalnoj odgovornosti studenata (u daljem tekstu: Pravilnik) utvrđuju se i regulišu prava i obaveze studenata, mirovanje prava, povreda prava i disciplinski postupak, sastav i postupak Komisije za disciplinsku odgovornost studenata, kvalifikacija disciplinskih povreda, odgovarajuće disciplinske mjere i druga pitanja na Univerzitetu.

Član 2. (Vrste odgovornosti)

(1) Odgovornost iz ovog Pravilnika može biti:

1. Disciplinska, usljed povrede obaveze/discipline studenta, i
2. Materijalna/naknada štete, kada je prouzrokovana šteta.

(2) Odgovornost iz stava 1. ovog člana temelji se na krivci učinioca (subjektivna odgovornost).

Član 3. (Služba za pravne poslove)

(1) Služba za pravne poslove, na čelu sa Generalnim Sekretarom Univerziteta obavlja sve stručno tehničke i administrativne poslove vezane za disciplinsku odgovornost i prouzrokovanje štete od strane studenata.

(2) Ukoliko određena pitanja nisu riješena ovim Pravilnikom, supsidijarno se primjenjuju Opšta pravila o imovinskoj i krivičnoj odgovornosti i pravila Zakona o upravnom postupku.

II PRIMJENA PRAVILNIKA

Član 4. (Primjena odredbi)

1. Lica sa statusom studenta

(1) Pravilnik se primjenjuje na fizičko lice koje na Univerzitetu ima status:

- a) Redovnog studenta na dodiplomskom i postdiplomskom (magistarskom i doktorskom) studiju; i
- b) Vanrednog studenta na dodiplomskom i postdiplomskom (magistarskom i doktorskom) studiju;
- c) Status studenta dokazuje se javnom ispravnom (indeksom) koji izdaje Univerzitet.

2. Lica koja nemaju status studenta

- (2) Lice, koje u smislu ovog Pravilnika, nema status studenta, a izvrši prekršaj Pravila ponašanja vezanih za studiranje koja su utvrđena Zakonom i aktima Univerziteta, primjenjuju se opšta Pravila o krivičnoj i imovinskoj odgovornosti koja važe u Federaciji BiH.
- (3) Protiv lica iz stava 1. ovog člana Pravilnika, Univerzitet podnosi prijavu nadležnom državnom organu.

III PRAVA I OBAVEZE STUDENATA

Član 5. (Pravo i obaveza studenta)

- (1) Student ima pravo i obavezu da studira po usvojenim i odobrenim pravilima studiranja i nastavnom planu i programu, te da bude ispitivan i ocjenjivan u skladu sa pravilima koja su transparentna, pravična i dostupna svakom studentu.
- (2) Prava i obaveze iz studentskog standarda su lična i neprenosiva.
- (3) Prava studenata na Univerzitetu su sljedeća:
 - a) Pravo prisustvovanja na svim oblicima izvođenja nastave;
 - b) Kvalitetan nastavni proces u skladu sa odobrenim nastavnim planom i programom;
 - c) Tačno i blagovremeno informisanje o svim pitanjima koja su vezana za studij;
 - d) Ravnopravnost u pogledu svih uslova studija i tretmana na Univerzitetu, kao i povlastica koje nosi status studenta;
 - e) Pravo na zdravstvenu zaštitu u skladu sa zakonom;
 - f) Različitost i zaštitu od diskriminacije;
 - g) Slobodu mišljenja i iznošenja ličnih stavova, a koji su u vezi sa nastavnim sadržajem;
 - h) Korištenje biblioteke i drugih usluga dostupnih na Univerzitetu;
 - i) Konsultacije i pomoć akademskog osoblja u savladavanju nastavnog sadržaja;
 - j) Evaluacija rada akademskog osoblja;
 - k) Osiguravanje mobilnosti, koje se postiže priznavanjem i prenosom bodova između visokoškolskih ustanova;
 - l) Sudjelovanje u radu studentskih organizacija;
 - m) Sudjelovanje u radu i odlučivanju tijela visokoškolske ustanove u skladu sa zakonom;
 - n) Zaštita u slučaju povrede prava zagaranovanih zakonom ili opštim aktima Univerziteta;
 - o) Druga prava predviđena Statutom ili drugim opštim aktima Univerziteta.
- (4) Student ima sljedeće obaveze:
 - a) Ispunjavati nastavne, finansijske i druge obaveze studenata;
 - b) Ispunjavati obaveze utvrđene Ugovorom o studiranju;
 - c) Pridržavati se propisanih pravila studiranja Univerziteta;
 - d) Uredno izvršavati svoje studijske obaveze i učestvovati u akademskim aktivnostima;
 - e) Iskazati poštovanje prema pravima akademskog i neakademskog osoblja i pravima drugih studenata na Univerzitetu;
 - f) Poštivati kućni red, Kodeks poslovne etike i ponašanja kao i druge akte Univerziteta;
 - g) Student je obavezan da prijavi disciplinske povrede studenata i zaposlenika, kao i prouzrokovanu štetu Rektoratu ili Generalnom sekretaru.

Član 6.
(Mirovanje prava i obaveza studenata)

- (1) Prava i obaveze studenata miruju u slučajevima utvrđenim zakonom i Statutom. Samo u izuzetnim slučajevima Univerzitet može na zahjev studenta odobriti mirovanje prava i obaveza u periodu ne dužem od jedne godine, ako za to postoje opravdani razlozi.
- (2) Opravdani razlozi iz stava 1. tačke 3.ovog člana su sljedeći:
 - i. Trajanje teške bolesti;
 - ii. Trajanje porodijskog odsustva;
 - iii. Drugi slučajevi utvrđeni Statutom ili opštim aktima Visoke škole.
- (3) Postojanje ovih razloga student dokazuje dokumentovanim dokazima izdatim od nadležnih službi, licu iz Službe za pravne poslove.
- (5) Student kojem ne miruju prava i obaveze, a koji ne upiše narednu godinu, odnosno ne obnovi upis u istu akademsku godinu, izjednačava se sa statutsom studenta koji se ispisao sa Univeziteta.

IV POVREDA OBAVEZA/DISCIPLINE STUDENATA

Član 7.
(Mogućnost pokretanja postupka)

Protiv studenta se može pokrenuti disciplinski postupak u smislu ovog Pravilnika, u slučaju prekršaja pravila utvrđenih zakonom, opštim aktima Univerziteta i ugovorom o studiranju, samo ukoliko je taj prekršaj predviđen kao lakša ili teža povreda obaveza (discipline) studenata za koju je propisana odgovornost studenata.

Član 8.
(Lakše i teže povrede obaveze-discipline studenata)

Pod *lakšim povredama* obaveza studenata podrazumijeva se:

- a) Dolazak na predavanje, vježbe i druge oblike nastave sa zakašnjenjem ili neopravdanim odlaskom prije završetka;
- b) Nedolično ponašanje na Univerzitetu ili neprimjeren odnos prema akademskom i administrativnom osoblju i drugim studentima Univerziteta;
- c) Prouzrokovanje manje materijalne štete na predmetima u vlasništvu Unvierziteta ili u vlasništvu drugih lica u okviru djelatnosti Univerziteta;
- d) Ponašanje koje narušava ugled Univerziteta, studenata, akademskog i administrativnog osoblja Univerziteta;
- e) Dolazak u neprimjereoju garderobi na nastavu;
- f) Ometanje nastave i ispita, sastanaka i drugih događaja organizovanih na Univerzitetu;
- g) Prijavljivanje ispita za sebe ili drugoga za ispitni rok, koji u pravilu student nema pravo da polaže;
- h) Pisanje ili crtanje sadržaja ili postavljanje banera i postera unutar i oko objekta Unvierziteta, na mjestima koja nisu predviđena za to i bez odobrenja Univerziteta;
- i) Druga ponašanja studenata suprotna akademskim načelima ponašanja, a koja se mogu svrstati pod lakše povrede obaveza.

Član 9.
(Teže povrede obaveza-discipline studenata)

Pod težim povredama obaveza studenata podrazumijeva se:

- a) Falsifikovanje isprava, naročito javnih isprava Univerziteta;
- b) Neispunjavanje obaveza utvrđenih Ugovornom o studiranju, naročito neispunjavanje finansijskih obaveza;
- c) Davanje neistinitih podataka organima i licima Univerziteta;
- d) Prepravka ili dopisivanje podataka u evidencijama koje vodi Univerzitet;
- e) Iznošenje netačnih informacija o radu i poslovanju Univerziteta;
- f) Nedoovoljeno umnožavanje autorski zaštićenih tekstova, plagijat, direktno citiranje, parafriziranje ili prepričavanje bez navođenja autora i djela;
- g) Krađa;
- h) Izazivanje nereda ili tuče, učestvovanje ili pozivanje na iste unutar i oko objekta Univerziteta;
- i) Izražavanje nacionalne, vjerske, etničke i druge netrepeljivosti u okviru objekta Univerziteta;
- j) Nepridržavanje sigurnosnih propisa i pravila na Univerzitetu, ulazak u prostorije Univerziteta kojima je ulaz zabranjen;
- k) Prouzrokovanje veće materijalne štete na predmetima u vlasništvu Univerziteta, ili u vlasništvu drugih lica u okviru djelatnosti Univerziteta;
- l) Dolazak na Univerzitet u alkoholiziranom ili opijenom stanju i/ili upotreba alkohola i narkotika unutar i oko objekta Univerziteta;
- m) Podstrekavanje i pomaganje studenata pri konzumiranju alkohola i narkotika, trgovina, raspolaganje kao i posjedovanje istih na Univerzitetu;
- n) Osnivanje formalne ili neformalne organizacije ili nekog drugog pravnog lica unutar Univerziteta, ili pod imenom Univerziteta bez dozvole nadležnog tijela, kao i učešće u aktivnostima istih;
- o) Unošenje oružja i eksplozivnih naprava na Univerzitet;
- p) Pisanje ili crtanje neprimjerenih sadržaja na bilo kojoj površini unutar i oko Univerziteta, uništavanje postavljenih banera, obavještenja i natpisa;
- q) Varanja na ispitu, odnosno polaganje ispita protivno pravilima studiranja;
- r) Verbalno i svako drugo vrijeđanje akademskog i administrativnog osoblja, drugih studenata, kao i svih drugih lica na Univerzitetu;
- s) Neredovno učestvovanje u nastavi kao i neopravdano odsustvovanje;
- t) Učestvovanje u projektima izvan Univerziteta, bez prethodne saglasnosti nadležnih organa Univerziteta, ako je za takvo učestvovanje neophodna saglasnost Univerziteta;
- u) Nepostupanje po rješenju o obavezi nakande štete;
- v) Ponovno činjenje lakše povrede obaveze nakon izrečene opomene ili javne opomene za prethodno učinjenu lakšu ili težu povredu obaveze (discipline);
- w) Drugi vidovi ponašanja suprotni akademskim načelima, a koji se mogu svrstati pod teže povrede obaveza, odnosno za one za koje je previđena prekršajna ili krivična odgovornost u skladu sa zakonom.

Član 10.
(Svojstvo u izvršenju povrede obaveze)

(1) Povredu obaveze student može učiniti u svojstvu:

- i. Izvršioca ili saizvršioca (više lica);
- ii. Podstrekača;
- iii. Pomagača;
- iv. Prikrivača.

(2) Svojstvo lica kao i stepen krivice istog utvrđuju se u postupku predviđenim ovim Pravilnikom.

Član 11.
(Mjesto izvršenja povrede obaveze)

Povreda obaveze (discipline) može biti učinjena:

- a) Bilo gdje u okviru prostorija Univerziteta;
- b) U prostorijama ili ispred prostorija Univerziteta u kojima se izvodi nastava;
- c) Na svakom drugom mjestu, ako se preduzetim radnjama narušava ugled Univerziteta, ugled drugog studenta ili drugih studenata, akademskog i administrativnog osoblja Univerziteta;
- d) Na svakom drugom mjestu ako se preduzetim radnjama namjeravalo steći neko pravo na protivpravan način ili protivpravna imovinska korist.

Član 12.
(Vrijeme izvršenja povrede obaveze)

Postupak utvrđivanja odgovornosti za povrede obaveze (discipline) studenta može se pokrenuti samo protiv osobe koja je u vrijeme učinjenja imala status studenta.

Član 13.
(Disciplinske mjere)

- (1) Disciplinske mjere za povredu obaveza/discipline su:
 - a) Opomena, koja se izriče za lakšu povredu obaveze (disciplina);
 - b) Javna opomena, koja se izriče kada je student istovremeno ili u kratkom roku učinio više lakših povreda;
 - c) Isključenje s Univerziteta, može se izreći samo za težu povredu obaveze, i to u trajanju od 1 (jedne) do 3 (tri) akademske godine.
- (2) Izrečena mjere opomene izvršava se na taj način što se konačna odluka uručuje studentu.
- (3) Izrečena mjera javne opomene izvršava se isticanjem konačne odluke na oglasnoj ploči Univerziteta.

Član 14.
(Posebne mjere)

Posebne mjere koje se izriču za povrede obaveze studenata su:

1. Udaljenje sa ispita, posebna mjera koju izriče predmetni nastavnik ili ovlaštena osoba koja nadgleda tok ispita u slučaju da nedvosmisleno utvrdi da student vara na ispitu, što predstavlja težu povredu obaveze/discipline. U ovom slučaju obavezno je povući i poništiti predmetni rad i o tome podnijeti izvještaj Direktor o eventualnom pokretanju disciplinskog postupka. Direktor može izreći disciplinsku mjeru „Opomena“ ili Javna opomena“ bez vođenja formalnog disciplinskog postupka. U slučaju prvog varanja na ispitu student će dobiti 0 bodova na istom. Kod drugog pokušaja varanja, student će dobiti finalnu ocjenu „F“ iz datog predmeta, a u slučaju trećeg pokušaja, disciplinska mjera „Javna opomena“ evidentirati će se u transkriptu studenta. Ako student u roku od jedne godine ne ponovi povredu obaveze/discipline, evidentirana mjera se briše iz transkripta. Ukoliko student smatra da je neopravdano udaljen sa ispita, ima pravo podnošenja žalbe u roku od 8 dana Rektor Univerziteta. U tom slučaju Rektor mora pokrenuti disciplinski postupak radi utvrđivanja činjenica vezanih za taj slučaj.
2. Mjere propisane drugim aktima, koje se mogu propisati drugim aktima Univerziteta, a koje se izriču u postupcima uređenim datim aktima. Na sva pitanja koja nisu uređena datim aktima primjenjuje se ovaj Pravilnik.

Član 15.
(Naknada štete)

- (1) Student odgovara za štetu prouzrokovanu na imovini Univerziteta ili u vlasništvu drugih lica, unutar i oko objekta Univerziteta.
- (2) Naknada prouzrokovane štete obuhvata prostu (stvarnu) štetu u visini stvarnog oštećenja, uključujući i odgovarajuće troškove.

V POSTUPAK ZA UTVRĐIVANJE POVREDE OBAVEZE/DISCIPLINE

Član 16. (Prijava o učinjenoj povredi obaveze)

- (1) Student se smatra nevinim sve dok se konačnim rješenjem u disciplinskom postupku ne utvrdi njegova odgovornost.
- (2) Prijavu o učinjenoj povredi obaveze/discipline, dužan je, po saznanju podnijeti:
 - Svaki student;
 - Svaki radnik;
 - Rektor, po službenoj dužnosti,
 - Svako lice koje je angažovano na Univerzitetu.
- (3) Prijava se podnosi pismeno i usmeno i sadrži ime i prezime studenta ili studenata koji su počinili povredu obaveze, njihovu bližu identifikaciju, opis radnje i potkrepljujuće dokaze. Prijava se podnosi Rektor u ili Generalnom sekretaru.

Član 17. (Postupak za utvrđivanje odgovornosti)

- (1) Postupak za utvrđivanje odgovornosti pokreće Rektor u formi pismenog rješenja. Rješenje obavezno sadrži podatke iz člana 16. ovog Pravilnika.
- (2) Rješenje se studentu uručuje lično putem Službe za pravne poslove uz obavezno uputstvo da može angažovati punomoćnika.

Član 18. (Rokovi za vođenje postupka)

- (1) Postupak za utvrđivanje odgovornosti studenata za učinjenu povredu obaveze/discipline pokreće se i vodi u sljedećim rokovima:
 - b. Za lakšu povredu obaveze/discipline, u roku od 6 mjeseci računajući od dana saznanja za učinjenu povredu ili prouzrokovanu štetu;
 - c. Za težu povredu obaveze/discipline, u roku od 12 mjeseci računajući od dana saznanja za učinjenu povredu ili prouzrokovanu štetu.
- (2) Apsolutni rok zastare za utvrđivanje odgovornost studenata za učinjenu povredu obaveze/discipline i prouzrokovanje štete jeste 12 mjeseci računajući od dana kada je učinjena povreda ili šteta prouzrokovana.
- (3) Ako učinjena povreda obaveze/discipline ima obilježja krivičnog djela, apsolutni rok zastare je onaj koji je određen krivičnim zakonom utvrđen za to djelo.

Član 19. (Rasprava za utvrđivanje odgovornosti)

- (1) Rektor zakazuje raspravu za utvrđivanje odgovornosti studenata za učinjenu povredu obaveze/discipline, i prouzrokovane štete.
- (2) Rasprava se zakazuje u protorijama Univerziteta u toku radnog vremena. Na raspravu se poziva student protiv koga je pokrenut postupak ili njegov punomoćnik kao i drugo lice čije je prisustvo neophodno.
- (3) Pismeni poziv za raspravu uručuje se studentu putem Službe za pravne poslove.

Član 20. (Usmena rasprava)

- (1) Usmenu raspravu vodi Rektor ili lice iz Službe za pravne poslove koju ovlasti Rektor. Rasprava se održava u prostorijama Univerziteta na dan i u vrijeme koje je naznačeno u pozivu.

(2) Usmena rasprava se provodi na sljedeći način:

- Konstatovanje prisustva pozvanih lica i njihovog svojstva;
- Čitanje prijave;
- Davanje izjave studenta protiv kojeg se vodi postupak;
- Provođenje dokaznog postupka u koji se ubraja uvid u javne isprave, saslušanje svjedoka, saslušanje vještaka i sl.;
- Davanje završnih izjava studenta protiv kojeg se vodi postupak, kao i drugih lica koji učestvuju u postupku.

(3) Ako se rasprava ne završi u toku jednog dana, novo ročište se zakazuje za drugi dan, ali ne u roku kraćem od 15 dana.

(4) Na raspravi se vodi zapisnik u koji se unose svi relevantni podaci sa ročišta, a vezani za tok rasprave. Zapisnik vodi lice koje odredi Rektor.

Član 21. (Odluka o disciplinskoj mjeri)

(1) Odluka kojom se odlučuje o disciplinskoj mjeri i naknadi štete donosi direktor u formi Rješenja, u roku od 8 dana od dana održanog ročišta-rasprave.

(2) Rješenje sadrži sljedeće podatke:

1. Ime i prezime studenta protiv kojeg se izriče disciplinska mjera, i podaci o identifikaciji;
2. Opis učinjene radnje, mjesto, vrijeme i način izvršenja;
3. Vrsta disciplinske mjere i visina naknade ako je student proglašen krivim;
4. Obrazloženje Rješenja;
5. Pouka o pravnom lijeku i rok za podnošenje žalbe; i
6. Potpis Rekotra, pečat Univerziteta, datum i broj protokola.

(3) Ako je student oslobođen od odgovornosti ili je postupak o utvrđivanju odgovornosti obustavljen, izreka o tome se navodi u dispozitivu Rješenja.

(4) Rješenje se studentu dostavlja lično putem Službe za pravne poslove Univerziteta, odnosno na način određen odredbama Zakona o upravnom postupku.

(5) Protiv Rješenja iz stava 1.ovog člana student može, lično ili putem svog punomoćnika, izjaviti žalbu Upravnom odboru, kao drugostepenog organa, u roku od 8 dana od dana prijema prvostepenog Rješenja.

(6) Upravni odbor prvostepeno Rješenje može: potvrditi ili preinačiti ili poništiti u cjelosti ili djelimično.

(7) Odluka Upravnog odbora je konačna.

(8) Za sva procesna pitanja koja nisu previđena ovim Pravilnikom, na postupak utvrđivanja odgovornosti studenta primjenjuju se odredbe Zakona o upravnom postupku.

Član 22. (Evidencija o izrečenim disciplinskim mjerama)

O izrečenim disciplinskim mjerama i naknadi štete vodi se posebna evidencija, koju vodi lice iz Studentske službe.

VI PRELAZNE I ZAVRŠNE ODREDBE

Član 23. (Stupanje na snagu)

Ovaj Pravilnik stupa na snagu danom donošenja, od kada se i primjenjuje.

Broj: 03-1176-5-2/24

Tuzla, 26.12.2024. godine

PREDSJEDAVALJUĆI SENATA

